



**ӨМНӨГОВЬ АЙМГИЙН
УЛСЫН БҮРТГЭЛИЙН ХЭЛТСИЙН
2020 ОНЫ ЭХНИЙ ХАГАС ЖИЛИЙН ТАЙЛАН**

**Даланзадгад
2020 он**

**ӨМНӨГОВЬ АЙМГИЙН УЛСЫН БҮРТГЭЛИЙН ХЭЛТСИЙН
2020 ОНЫ ТАЙЛАНГИЙН АГУУЛГА**

1. Бодлогын зорилтыг хангах талаар

- 1.1. Удирдлага зохион байгуулалт
- 1.2. Тайлан мэдээ, албан бичиг
- 1.3. Санхүү, үнэт цаасны тооцоо, тайлан мэдээ

2. Иргэний улсын бүртгэл

- 2.1. Иргэний гэр бүлийн байдлын бүртгэл, шилжилт хөдөлгөөний бүртгэл
- 2.2. Гадаадад зорчих эрхийн бүртгэл
- 2.3. Иргэний үнэмлэх олгох ажил
- 2.4. Иргэний бүртгэлийн архивийн лавлагаа, тайлан мэдээ

3. Эд хөрөнгийн эрхийн улсын бүртгэл

- 3.1. Иргэн, хуулийн этгээдийн өмчлөх эрхийн баталгаажуулалт, өөрчлөлт, түүнтэй холбоотой бусад эрхийн бүртгэл, лавлагаа, тайлан мэдээ
- 3.2. Эд хөрөнгө өмчлөх, эзэмших, ашиглах эрхийн бүртгэл
- 3.3. Эд хөрөнгийн эрхийн улсын бүртгэлийн талаарх мэдээллийн сан, нотлох баримтаар хувийн хэрэг бүрдүүлж, иргэн, хуулийн этгээд болон хууль хяналтын байгууллагыг лавлагаа, мэдээллээр хангах чиглэлээр

4. Хуулийн этгээдийн улсын бүртгэл

- 4.1. Хуулийн этгээдийн улсын бүртгэл, лавлагаа, тайлан мэдээ

5. Програм хангамжийн талаар

6. Улсын бүртгэлийн хяналт шалгалт

- 6.1 Хяналт шалгалт - Иргэний бүртгэлийн чиглэлээр
- 6.2 Хяналт шалгалт - Хуулийн этгээдийн бүртгэлийн чиглэлээр
- 6.3 Хяналт шалгалт - Эд хөрөнгийн эрхийн бүртгэлийн чиглэлээр
- 6.4 Бусад ажил үйлчилгээ

7. Удирдлагын багт тавих санал

8. 2020 оны зорилт

БОДЛОГЫН ЗОРИЛТЫГ ХАНГАХ ТАЛААР

1.1 УДИРДЛАГА ЗОХИОН БАЙГУУЛАЛТЫН ТАЛААР

Өмнөговь аймгийн Улсын бүртгэлийн хэлтэс нь УБЕГазрын даргын 2018 оны 07 дугаар сарын 20 ны өдрийн Б/07 тоот тушаалаар батлагдсан орон тооны дагуу 2019 онд Улсын бүртгэлийн хэлтсийн дарга 1, хяналтын улсын байцаагч 1, тасгийн дарга бөгөөд улсын ахлах бүртгэгч 2, эд хөрөнгийн эрхийн улсын бүртгэлийн тасгийн улсын бүртгэгч 2, иргэний улсын бүртгэлийн тасгийн улсын бүртгэгч 2, хуулийн этгээдийн улсын бүртгэгч 1, архивч 2, ахлах нягтлан бодогч 1, нярав, мэдээллийн технологийн ажилтан 1, Архив, бичиг хэргийн ажилтан 1, гэрээт албан хаагч үйлчлэгч 1, жижүүр 3, 15 сумын 13 улсын бүртгэгч нийт 32 албан хаагчтайгаар Улсын бүртгэлийн ерөнхий хууль, Иргэний бүртгэлийн тухай хууль, Эд хөрөнгийн эрхийн улсын бүртгэлийн тухай хууль, Хуулийн этгээдийн улсын бүртгэлийн тухай хууль болон тэдгээртэй нийцүүлэн гаргасан дүрэм, журам, Зөрчлийн тухай хууль, Зөрчил хянан шийдвэрлэх тухай хууль, Улсын бүртгэлийн ерөнхий газар болон орон нутгийн удирдлагаас өгсөн үүрэг, даалгавар, удирдамж чиглэл, тушаал, бодлогын баримт бичиг, хууль тогтоомж, тогтоол шийдвэрийг хяналтад авч бүртгэлийг хөтлөн хэрэгжилтийг өдөр тутмын ажил, үйлчилгээнд бүрэн хэрэгжүүлж, иргэн, хуулийн этгээдэд эд хөрөнгө өмчлөх эрх, түүнтэй холбоотой эд хөрөнгийн бусад эрхийн улсын бүртгэл, иргэний улсын бүртгэл, хуулийн этгээдийн улсын бүртгэлийн үйлчилгээг орон нутагт эрхлэн зохион байгуулах үндсэн чиг үүргийг хэрэгжүүлэн Улсын бүртгэлийн үйлчилгээг үнэн зөв, ил тод, түргэн шуурхай, шударга, хариуцлагатай, хүртээмжтэй хүргэн үйлчиллээ.

МЭДЭЭЛЭЛ, СУРГАЛТ.

➤ 2020 оны 01 дүгээр сарын 08-ны өдөр аймгийн ГХБХБ-ын газрын удирдлага мэргэжилтэнүүдтэй шинээр мөрдөж буй хаягын тогтоолыг хэрхэн хэрэгжүүлэх, сумдын газрын даамлуудаас ирүүлж байгаа газар өмчлөх, эзэмших, ашиглах эрхийн нотлох баримтад анхаарах асуудлын талаар ойлголтын зөрүүг арилгаж уулзалт зохион байгуулсан.

➤ 2020 оны 01 дүгээр сарын 24 ний өдөр УБЕГазраас орон нутаг дахь Улсын бүртгэлийн хэлтсийн сумын улсын бүртгэгч нарыг “Төрийн жинхэнэ албан хаагчийн гүйцэтгэлийн төлөвлөгөө боловсруулах” арга зүйгээр хангахад чиглэсэн онлайн сургалтанд хэлтсийн төрийн захиргааны бүх албан хаагчид оролцсон.

➤ Засгийн газрын “Хүүхдийн эрх, аюулгүй байдлыг хангах тухай” 01 албан даалгаврыг 2020 онд хэрэгжүүлэх ажлын төлөвлөгөөний хэрэгжилтийг хангах зорилгоор УБЕГазраас зохион байгуулсан онлайн сургалтанд “Хүүхэд гэр бүлийн хөгжлийг дэмжих зөвлөл” оролцсон.

➤ 2020 оны 03 дугаар сарын 06-ны өдөр УБЕГазрын ИУБГазраас зохион байгуулж буй Монгол Улсын Их Хурлын сонгуулийн тухай хуулийг хэрэгжүүлэх ажлын хүрээнд Улсын бүртгэлийн ерөнхий газрын албан хаагчдад сонгуулийн тухай хууль тогтоомжийг таниулах, зөвлөмж чиглэл өгөх зорилготой онлайн сургалтанд Хяналтын улсын байцаагч Д.Наранбилэг, ИУБТасгийн дарга бөгөөд улсын ахлах бүртгэгч Д.Насантуяа, ИУБТасгийн улсын бүртгэгч З.Хасар, Б.Баясгалан, Нярав, Мэдээллийн технологийн ажилтан О.Эрдэнэбат нар хамрагдсан.

➤ 2020 оны 03 дугаар сарын 16-ны өдөр Олон улсын хэрэглэгчийн өдрийг тохиолдуулан “Зөрчлийн хууль”-ийн талаар олон нийтийн цахим сүлжээгээр иргэдэд мэдээлэл хүргэсэн.

➤ 2020 оны 03 дугаар сарын 23-нд УБЕГазрын ЭХЭУБГазраас зохион байгуулж буй Эд хөрөнгийн эрхийн улсын бүртгэл хөтлөхөд гарч буй нийтлэг алдаа, зарим системийн боловсруулалтанд анхаарах асуудлуудын талаар зөвлөмж, чиглэл өгөх, зөрчлөөс урьдчилан сэргийлэх зорилготой онлайн сургалтанд Хяналтын улсын байцаагч Д.Наранбилэг, ЭХЭУБТасгийн дарга бөгөөд улсын ахлах бүртгэгч Б.Азжаргал, ЭХЭУБТасгийн улсын бүртгэгч М.Оюун-Эрдэнэ, Т.Нямсамбуу, архивч А.Цэцэгдэлгэр нар хамрагдсан.

➤ 2020 оны 04 дүгээр сарын 15, 16 ны өдрүүдэд Улсын бүртгэлийн дотоод үйл ажиллагааг шуурхай, нэгдсэн удирдлагаар хангах, цаг үеийн нөхцөл байдлын талаар санал, мэдээлэл солилцох, орон нутаг дахь газар, хэлтсийн удирдлагуудад үүрэг, чиглэл, зөвлөмж өгөхөд чиглэсэн Улсын бүртгэлийн байгууллагын удирдах ажилтны сургалтанд хэлтсийн дарга Ч.Энхмөнх, Хяналтын улсын байцаагч

Д.Наранбилэг, ИУБТасгийн дарга бөгөөд улсын ахлах бүртгэгч Д.Насантуяа, ЭХЭУБТасгийн дарга бөгөөд улсын ахлах бүртгэгч Б.Азжаргал, Хуулийн этгээдийн улсын бүртгэгчийн албан үүргийг түр орлон гүйцэтгэгч Б.Должинсүрэн, Мэдээллийн технологийн ажилтан О.Эрдэнэбат нар оролцож мэдээлэл солилцсон.

➤ 2020 оны 04 дүгээр сарын 17 ны өдөр УБЕГазар болон орон нутаг дахь газар, хэлтсийн албан хаагчдыг мэргэшүүлэх, байгууллагын архив, албан хэрэг хөтлөлтийн үйл ажиллагаанд мөрдөгдөж буй эрх зүйн актуудыг хэрэгжүүлэхэд анхаарах зөвлөмж, чиглэл өгөх зорилготой онлайн сургалтанд Архив, бичиг хэргийн ажилтан Ч.Пүрэвдавга хамрагдаж мэдээлэл авч ажилласан.

➤ 2020 оны 04 дүгээр сарын 22 ны өдөр “Иргэний улсын бүртгэлийн систем”-ийн нэвтрүүлэлтийн төлөвлөгөөг танилцуулах, иргэний улсын бүртгэлийн системийн туршилтыг хэрхэн гүйцэтгэх тухай танилцуулга зөвлөмж, иргэний улсын бүртгэлийн зарим бүртгэл хөтлөлтөнд анхаарах асуудлын талаар зөвлөмж өгөх онлайн сургалтанд хэлтсийн дарга Ч.Энхмөнх , ИУБТасгийн албан хаагчид бүрэн хамрагдсан.

➤ 2020 оны 04 дүгээр сарын 30 ний өдөр УБЕГазрын сургалтын төлөвлөгөөний дагуу Хуулийн этгээдийн улсын бүртгэгч нарт зориулсан онлайн сургалтанд Хуулийн этгээдийн улсын бүртгэгчийн албан үүргийг түр орлон гүйцэтгэгч Б.Должинсүрэн, хэлтсийн дарга Ч.Энхмөнх нар хамрагдсан.

➤ 2020 оны 05 дугаар сарын 06-08 ны өдрүүдэд 2020 оны гүйцэтгэлийн төлөвлөгөөг хэрэгжүүлэх ажлын хүрээнд Улсын байцаагчийг мэргэжил, арга зүйн удирдлагаар хангаж, үйл ажиллагаанд нь хяналт тавих, тэдгээрийн эрх зүйн мэдлэгийг дээшлүүлэх, бүртгэлийн үйл ажиллагаанд тавих хяналтын чиг үүргийг хэрэгжүүлэхэд шаардлагатай мэдлэг өгөх онлайн сургалтанд Хяналтын улсын байцаагч Д.Наранбилэг бүрэн хамрагдсан.

➤ 2020 оны 05 дугаар сарын 15 ны өдөр Монгол Улсын Их Хурлын сонгуулийн тухай хуулийг хэрэгжүүлэх ажлын хүрээнд орон нутаг дахь Улсын бүртгэлийн байгууллагын итгэмжлэгдсэн ажилтанг хууль эрх зүйн мэдээллээр хангах, тэдэнтэй гэрээ байгуулахад анхаарах асуудлаар харъяа нэгжийн удирдлагуудад чиглэл зөвлөмж өгөх онлайн сургалтанд Хэлтсийн дарга Ч.Энхмөнх, Хяналтын улсын байцаагч Д.Наранбилэг, ИУБТасгийн албан хаагчид, Даланзадгад сумын улсын бүртгэгч С.Ариунсайхан, ЭХЭУБТасгийн дарга бөгөөд улсын ахлах бүртгэгч Б.Азжаргал нар хамрагдсан.

➤ УБЕГазрын дэд даргын баталсан сургалтын хөтөлбөрийн дагуу Өмнөговь аймгийн УБХэлтэс нь 2020 оны 05 дугаар сарын 18 ны өдөр УИХ-ын 11-р тойргийн 61 хэсэгт ажиллах 70 итгэмжлэгдсэн ажилтан, 4 албан хаагчдад хууль эрх зүйн сургалтыг танхимаар болон цахимаар зохион байгуулсан.

➤ 2020 оны 05 дугаар сарын 20 ны өдөр Насан туршийн боловсролын төвөөс “Угийн бичиг хөтлөх” хэрэгцээ, шаардлага, хөтлөх аргачлалын талаар сургалт авч хэлтсийн албан хаагчид бүрэн хамрагдсан.

➤ 2020 оны 05 дугаар сарын 26 ны өдөр УБЕГазрын 2020 оны сургалтын төлөвлөгөөний хэрэгжилтийг хангах, албан хаагчдад гэмт хэргээс урьдчилан сэргийлэх, соён гэгээрүүлэх, гэмт хэрэг гарахад нөлөөлсөн шалтгаан нөхцлийг арилгахад шаардлагатай мэдээ, мэдээлэл өгөх зорилготой онлайн сургалтанд Хяналтын улсын байцаагч Д.Наранбилэг, ИУБТасгийн дарга бөгөөд улсын ахлах бүртгэгч Д.Насантуяа, ЭХЭУБТасгийн дарга бөгөөд улсын ахлах бүртгэгч Б.Азжаргал нар хамрагдсан.

ЦАГ ҮЕИЙН АЖИЛ

➤ 2020 оны 03 дугаар сарын 11 ний өдөр Улсын бүртгэлийн хэлтсийн “Үйлдвэрчиний эвлэлийн хороо” 33 албан хаагчдад амны хаалт, дархалаа дэмжих Vitagripp витамин, Салимон бэлдмэл өгч, вирусээс урьдчилан сэргийлэх арга хэмжээ авсан. Албан хаагчдыг халдвараас урьдчилан сэргийлэх үүднээс хэлтсийн ҮЭвлэлийн хорооноос 958 000 төгрөгөөр 2 удаа амны хаалт, витамин, ариутгалын материалаар хангаж ажилласан.

➤ 2020 оны 03 дугаар сарын 16 ны өдөр “Олон улсын хэрэглэгчдийн эрхийг хамгаалах өдөр”-ийг угтан улсын бүртгэлийн үйлчилгээний цаг үеийн мэдээ, мэдээллийг олон нийтийн сүлжээгээр иргэдэд хүргэж ажилласан.

➤ Шинэ төрлийн коронавирусээс урьдчилан сэргийлэх зорилгоор үйлчилгээний танхимд 2 метрийн зайнаас үйлчлүүлэх тэмдэг тэмдэглэгээг нааж иргэдэд мэдээлэл өгч ажиллаж байна.

➤ Үйлчилгээний танхимд Эд хөрөнгийн эрхийн улсын бүртгэгч, Хуулийн этгээдийн улсын бүртгэгч, Иргэний улсын бүртгэлчийн үйлчилгээний цонхонд иргэд үйлчилгээ авах дугаар бүхий шилэн сав байршуулж, шалан дээр **!!!COVID 19 !!! 1-2 метр** зай барь гэсэн 10 тэмдэглэгээг нааж, иргэдэд зохих ёсны

шаардлага тавьж, албан хаагчид болон иргэдийг мэдээллээр тогтмол ханган ажиллаж байна.

➤ 2020.04.03 ны өдөр аймгийн ЭМГазрын Зоонозын өвчин судлалын төвөөр хэлтсийн 1134 м.кв талбайд ариутлгал хийлгэж ажилласан.

АЙМАГ, ОРОН НУТГИЙН УДИРДЛАГАТАЙ ХАМТРАН АЖИЛЛАЖ, ХЭРЭГЖҮҮЛЖ БУЙ АЖИЛ:

• 2020 оны 01 дүгээр сарын 09 ний өдөр Улсын бүртгэлийн хэлтсийн дарга Ч.Энхмөнх Монгол Улсын Их Хурлын сонгуулийн тухай хуулийн 25.1 дэх заалт: Иргэний шилжилт хөдөлгөөнийг сонгуулийн жилийн 2020 оны 02 дугаар сарын 01-ний өдрөөс түр зогсоох тухай мэдээллийг орон нутгийн телевизээр дамжуулан иргэдэд мэдээлэл хүргэсэн.

• Шинэ төрлийн коронавирусээс урьдчилан сэргийлэх зорилгоор Төрийн байгууллагын алба хаагчдыг 24 цагийн постод гаргаж өндөржүүлсэн бэлэн байдалд ажиллаж байна. Улсын бүртгэлийн “Иргэний бүртгэлийн мэргэжлийн анги” 2020 оны 03 дугаар сарын 03 дугаар сарын 13 ний өдрийн 18.00 цагаас 14 ний өдрийн 18.00 цагийн хооронд Ханхонгор сумын постонд гарч дараагийн байгууллагад хүлээлгэн өгч ажилласан.

• ЭМЯам болон аймгийн Эрүүл мэндийн газраас цаг тухай бүр ирүүлж байгаа заавар, зөвлөмжийг тухай бүр хэрэгжүүлэн ажиллаж, ажилчид, албан хаагчид, үйлчлүүлэгчид мэдээ, мэдээлэл түгээж, ариутгах бодис, халдваргүйжүүлэлтийн арга хэмжээг шаардлага түвшинд авч ажиллаж байна.

• Улсын бүртгэлийн багц хуулиуд хэрэгжиж эхэлсэнтэй холбогдуулан “Эрх зүйч” мэргэжилгүй албан хаагчдыг “Эрх зүйч мэргэжитэй болгох зорилгоор 2018 оны 02 дугаар сарын 05 ны өдөр Шихихутуг их сургуультай хамтран ажиллах гэрээ байгуулан ажилласан. Аймгийн Засаг даргын 2016-2020 онд хөгжүүлэх “Бид хамтдаа хөтөлбөр”-ийн 152 дахь заалтын хүрээнд “Чадварлаг албан хаагч-Чанартай гүйцэтгэл” зорилтыг хэрэгжүүлэх зорилгоор аймгийн Засаг даргад хэлтсийн “Эрх зүйч” мэргэжлээр суралцаж байгаа 12 албан хаагчдын сургалтын төлбөрт дэмжлэг үзүүлэх асуудлыг судлаж дэмжлэг үзүүлэх хүсэлт хүргүүлэн шийдвэрлүүлж албан хаагч бүрт 3000000 /гурван сая/ төгрөгний дэмжлэг авч нийт 36000000 /гучин зургаан сая/ төгрөгийг шийдвэрлүүлж 2020 оны 05 дугаар сарын

29 ний өдөр 14 албан хаагч “Эрх зүйч” мэргэжлийн баклаврын диплом, ромбоо гардан авсан.

- Аймгийн Засаг даргын 2016-2020 онд хөгжүүлэх “Бид хамтдаа хөтөлбөр”-ийн 153 дахь заалтын хүрээнд Төрийн албан хаагчдын нийгмийн баталгааг хангах, тусламж, дэмжлэг үзүүлэх асуудлын хүрээнд Эд хөрөнгийн эрхийн улсын бүртгэлийн тасгийн дарга бөгөөд улсын ахлах бүртгэгч Б.Азжаргал, Хуулийн этгээдийн улсын бүртгэгч М.Энхтогтох нарт орон сууцны зээлд дэмжлэг үзүүлэх тухай аймгийн Засаг даргад хүсэлт хүргүүлсний дагуу тус бүрд 5000000 /таван сая/ төгрөгний дэмжлэг авсан.

- Аймгийн Засаг даргын 2016-2020 онд хөгжүүлэх “Бид хамтдаа хөтөлбөр”-ийн 158 дахь заалтын хүрээнд "Зөгийн үүр" дэд хөтөлбөрийн хүрээнд Тайвань улсын Нанхуа их сургуулийн Төрийн удирдлагын магистрын тэтгэлэгт сургалтын шалгалтанд Даланзадгад сумын улсын бүртгэгч Б.Должинсүрэн тэнцэж Тайвань улсад 2 жил суралцаж төгсөж ирээд Хуулийн этгээдийн улсын бүртгэгчийн албан үүргийг түр орлон гүйцэтгэгчээр ажиллаж байна.

- Аймгийн Засаг даргын 2016-2020 онд хөгжүүлэх “Бид хамтдаа хөтөлбөр”-ийн 159 дэх заалтын хүрээнд 2020 онд Аймгийн Засаг даргын 2020 оны 03 дугаар сарын 20 ны өдрийн А/264 дугаар захирамжаар Хэлтсийн барилгын дээврийн засварын ажлыг “Хөрхдөр хан” ХХКомпаниар 31000006 /гучин нэгэн сая зургаа/ төгрөгний ажлыг хийлгэж 2020 оны 04 дүгээр сарын 14-ний өдөр бүрэн дуусгаж комисст хүлээлгэж өгч ажилласан.

БОЛОВСОН ХҮЧНИЙ ТАЛААР:

Өмнөговь аймгийн Улсын бүртгэлийн хэлтэс нь Хэлтсийн дарга 1, Тасгийн дарга бөгөөд улсын ахлах бүртгэгч 2, Хяналтын улсын байцаагч 1, Улсын бүртгэгч 19, Ахлах нягтлан бодогч 1, Архивч 2, Нярав, мэдээллийн технологийн ажилтан 1, Архив, бичиг хэргийн ажилтан 1, үйлчлэгч 1 /гэрээт албан хаагч/, жижүүр 3 /гэрээт албан хаагч/, нийт 32 албан хаагчтайгаар үйл ажиллагаа явуулж байна.

- Хэлтсийн даргын 2020 оны 02 дугаар сарын 03 ны өдрийн Б/01 тоот тушаалаар хэлтсийн Архив, бичиг хэргийн ажилтны албан үүргийг түр орлон гүйцэтгэгчээр Б.Должинсүрэнг томилсон.

- Хэлтсийн даргын 2020 оны 02 дугаар сарын 18 ны өдрийн Б/02 тоот тушаалаар ахлах нягтлан бодогч С.Батхүүг үүрэгт ажлаас чөлөөлж, 2020 оны 02

дугаар сарын 21 ний өдөр М.Заяаг туршилтын 6 сарын хугацаагаар Ахлах нягтлан бодогчоор Б/03 дугаар тушаалаар томилсон.

➤ Хэлтсийн даргын 2020 оны 03 дугаар сарын 09 ний өдрийн Б/04 дугаар тушаалаар Архив, бичиг хэргийн ажилтны албан үүргийг түр орлон гүйцэтгэгч Б.Должинсүрэнг үүрэгт ажлаас нь чөлөөлж, Ч.Пүрэвдавгын хүүхэд асрах чөлөөг дуусгавар болгож Б/05 дугаар тушаалаар Архив, бичиг хэргийн үүрэгт ажилд томилсон.

➤ Хэлтсийн даргын 2020 оны 04 дүгээр сарын 01 ний өдрийн Б/06 дугаар тушаалаар ЭХЭУБТасгийн архивчийн албан үүргийг түр орлон гүйцэтгэгч А.Цэцэгдэлгэрийг үүрэгт ажлаас нь чөлөөлж, А.Цэцэгжаргалын хүүхэд асрах чөлөөг дуусгавар болгож Б/07 дугаар тушаалаар Архивчийн үүрэгт ажилд томилсон.

➤ Хэлтсийн даргын 2020 оны 04 дүгээр сарын 01 ний өдрийн Б/08 дугаар тушаалаар ИУБТасгийн архивч Т.Хандсүрэнд хүүхэд асрах чөлөө олгож, А.Цэцэгдэлгэрийг Б/09 дүгээр тушаалаар ИУБТасгийн архивчийн албан үүргийг түр орлон гүйцэтгэгчээр томилсон.

➤ Хэлтсийн даргын 2020 оны 05 дугаар сарын 15 ны өдрийн Б/10 дугаар тушаалаар Ахлах нягтлан бодогч М.Заяаг үүрэгт ажлаас нь чөлөөлж, С.Батхүүг Б/11 дүгээр тушаалаар Ахлах нягтлан бодогчийн үүрэгт ажилд томилсон.

ТАЙЛАН МЭДЭЭ, АЛБАН БИЧГИЙН ТАЛААР:

2020 оны эхний хагас жилийн байдлаар Улсын бүртгэлийн хэлтэст 280 албан бичиг ирсэнийг зохих журмын дагуу бүртгэн авч холбогдох ажилтнуудад шилжүүлэн биелэлтэнд хяналт тавьж ажиллалаа. 556 хариутай албан бичиг ирснээс хариуг тухай бүрт нь шийдвэрлүүлэн холбогдох байгууллага, албан тушаалтанд хүргүүлсэн. Мөн тайлангийн хугацаанд 309 албан бичиг зохих стандарт, журмын дагуу боловсруулан холбогдох албан байгууллага, иргэдэд хүргэж ажиллаа.

Улсын бүртгэлийн хэлтэст 2020 оны эхний хагас жилийн байдлаар иргэдээс нийт 23 өргөдөл, гомдол, санал, хүсэлт ирсэнээс 22 өргөдөлийг шийдвэрлэн холбогдох албан тушаалтан, иргэдэд хариуг хүргүүлэж, 1 өргөдөл гомдол, санал хүсэлтийг холбогдох байгууллагуудад шилжүүлэн шийдвэрлэлтэнд хяналт тавьж, холбогдох газарт цаг тухай бүр хүргүүлэн ажилласан.

1. САНХҮҮГИЙН ТАЙЛАН

2. **Төсвийн зарцуулалт** : 2019 оны 3 дугаар улирлын санхүүгийн тайланг хуулийн хугацаанд УБЕГазрын Санхүү, төлөвлөлтийн газарт хүргүүлэн ажилласан. Өмнөговь аймгийн Улсын бүртгэлийн хэлтсийн нягтлан бодогч Төсвийн гүйцэтгэлийн сарын мэдээг сар бүр холбогдох тодруулгын хамт Улсын бүртгэлийн ерөнхий газрын Санхүү, төлөвлөлтийн газарт хугацаанд нь хүргүүлэн ажиллана.

2019 оны жилийн үйлчилгээний орлогын төлөвлөгөө 180 000 000 /Нэг зуун наян сая/ төгрөг. Үүнээс 2019 оны жилийн эцсийн байдлаар 206 983 878 /хоёр зуун зургаан сая есөн зуун наян гурван мянга найман зуун далан найм/ төгрөг төвлөрүүлэн ажиллаж байна.

2019 оны 01 дүгээр сарын 25 ний өдөр 2018 оны жилийн эцсийн санхүүгийн тайланг Аймгийн Төрийн аудитаар шалгуулж “Зөрчилгүй” дүгнэлт авсан.

Шилэн дансны тухай хуулийн хэрэгжилтийг хангаж Өмнөговь аймгийн Улсын бүртгэлийн хэлтсийн санхүүгийн мэдээллийг сар бүрийн 8-ны өдрийн дотор 14 үзүүлэлтээр бүрэн гаргаж байршуулан, 3 дугаар улирлын тайланг илгээсэн.

3. **Үйлчилгээний хураамж, үйл ажиллагааны орлого**: Иргэний бүртгэлийн үйлчилгээний хураамж 210000089483 тоот дансанд, эд хөрөнгийн үйлчилгээний хураамж 210000093088 тоот дансанд, цахим үнэмлэхний үнэ 210000258471 тоот дансанд тус тус тушаалган Өмнөговь аймгийн Төрийн сангийн 100110012008 тоот дансанд төвлөрүүлэн, улмаар сар бүрийн 25-ны дотор Улсын төсөвт төвлөрүүлэн ажиллаж байна.

Бараа материал, үндсэн хөрөнгө: Иргэний бүртгэлийн 21 төрөл, Эд хөрөнгийн бүртгэлийн 3 төрөл, Хуулийн этгээдийн 3 нийт 27 төрлийн үнэт цаас ашиглагдаж байгааг УБЕГазраас хөрөнгийн санхүүжилтээр авч нөөцийг бүрэн ханган ажиллаж байна.

2. ИРГЭНИЙ УЛСЫН БҮРТГЭЛ

НЭГ. БОДЛОГЫН ЗӨВЛӨГӨӨГӨӨР ХАНГАХ

Тайлангийн хугацаанд Улсын бүртгэлийн хэлтэс нь иргэний улсын бүртгэлийн чиглэлээр хийж гүйцэтгэсэн ажлын талаарх тоон мэдээг сар бүр нэгтгэн гаргаж Улсын бүртгэлийн ерөнхий газрын Иргэний бүртгэлийн газарт тогтмол хүргүүлж ажиллаа.

Сумдын улсын бүртгэгч нарын сарын мэдээ, тайланг цаг хугацаанд нь үнэн зөв гаргаж байх, улсын бүртгэлийн мэдээллийн санд регистрийн дугаар буруу, овог, нэр, үсгийн зөрүүтэй иргэдийн зөрчлийг тухай бүр арилгаж дуусгах чиглэл өгч ажиллаж байна. Тухайлбал:

- ✓ 2020 оны нэгдүгээр улирлын байдлаар 1 иргэний регистрийн дугаарыг сольж ИУБ-25 маягтаар зөрчлийг арилгасан.
- ✓ Гэрлэлийн бүртгэлийн мэдээлэл ороогүй 8 иргэний ИУБ-15
- ✓ Нас баралтын бүртгэлийн мэдээлэл ороогүй 2 иргэний ИУБ-18 маягтыг тус тус нөхөн бичиж мэдээллийн санд оруулсан.
- ✓ Мэдээллийн санд үсгийн алдаатай болон мэдээлэл буруу орсон 50 иргэний мэдээллийн алдааг засуулахаар тухай бүр нь Иргэний улсын бүртгэлийн газарт албан бичэг, нотлох баримтын хамт хүргүүлж зөрчлийг арилгасан.

Иргэний бүртгэлийн үйлчилгээнд гарч байгаа зөрчлийн дийлэнх нь 1988 оноос хойш төрсөн иргэдийн төрөлтийн мэдээлэлд эцэг, эхийн мэдээлэл үндсэн мэдээллийн санд тусгагдаагүй зэрэг зөрчлүүд эзэлж байна. Өмнөговь аймгийн Улсын бүртгэлийн хэлтсийн Иргэний улсын бүртгэлийн тасаг 2019 оны 12 дугаар сарын 25-ны өдрөөс 2020 оны 03 дугаар сарын 25 –ны өдрийг хүртлэх хугацаанд дараах ажлыг хийж гүйцэтгэсэн. Үүнд:

1. Иргэний улсын бүртгэлийн газраас ирүүлсэн чиглэлийн дагуу 01 дүгээр сарын 02 ны өдрөөс 15 ны өдрүүдэд 1 хаягт 10-аас дээш тооны иргэн оршин суух бүртгэлтэй 77 хаягийн 1028 иргэний мэдээллийг нягтлан шалгаж тайланг ИУБГазарт хүргүүлж ажилласан.
2. Иргэний засаг захиргааны нэг нэгжээс нөгөө нэгжид шилжин суурьших хөдөлгөөнийг ээлжит сонгуулийн жилийн 02 дугаар сарын 01 ний өдрөөс

эхлэн түр зогсоож холбогдох арга хэмжээг авч тайланг ИУБГазарт хүргүүлсэн.

3. Өмнөговь аймгийн 15 сумын ИТХурлын Тэргүүлэгчдийн Хурлын сонгуулийн хэсэг байгуулж, нутаг дэвсгэр, төвийг батлах тухай тогтоолыг хуулийн хугацаанд хүлээн авч уг тогтоолыг үндэслэн 59 багийн 61 хэсгийн мэдээллийг цахим санд бүртгэсэн.

Иргэний улсын бүртгэлийн үйл ажиллагааг иргэдэд сурталчилах, ил тод нээлттэй байдлыг хангах зорилгоор хэлтсийн мэдээллийн самбарт иргэний гэр бүлийн бүртгэлийн талаарх мэдээллийг сар бүр шинэчилж байршуулж, хэлтсийн вэб www.ubh.om.gov.mn сайтад сар бүрийн бүртгэлийн тоон мэдээллийг графикаар тухай бүр оруулсан.

ХОЁР. ИРГЭНИЙ ГЭР БҮЛИЙН БҮРТГЭЛ, ШИЛЖИЛТ ХӨДӨЛГӨӨНИЙ ТАЛААР

Иргэний улсын бүртгэлийн үйл ажиллагааг явуулахдаа гэр бүлийн тухай болон иргэний улсын бүртгэлийн тухай хууль бусад хууль эрх зүйн баримт бичгүүдийг мөрдлөг болгон хэрэгжүүлж ажиллаа. Тайлангийн хугацаанд сумдаас ирүүлсэн иргэний гэр бүлийн бүртгэлийн үндсэн ИУБ маягт, шилжилт хөдөлгөөний ИУБ-22 маягтыг хүлээн авч сүлжээнд шалган бичилтийн болон техникийн алдааг цаг тухайд нь залруулан засуулж сарын мэдээнд тусган баталгаажуулж сүлжээнд шивж оруулах ажлыг хийж гүйцэтгэлээ. Үүнд :

1. Төрсний – 342
2. Үрчилсний –5
3. Овог, нэр өөрчилсний – 20
4. Эцэг тогтоосны– 14
5. Гэрлэсний – 84
6. Гэрлэлт дуусгавар болсны – 13
7. Нас барсны -65
8. Аймаг дотрох шилжилт хөдөлгөөн –824
9. Бусад аймаг хотоос шилжин ирсэн – 357 тус тус бүртгэгдсэн байна.

**2019 оны 1-р улиралд бүртгэгдсэн иргэний гэр бүлийн байдлын бүртгэлийг
2020 оны 1-р улиралд бүртгэсэн бүртгэлтэй харьцуулсан үзүүлэлт**

Он	Төрсний	Гэрлэсний	Гэрлэлт дуусгавар болсны	Үрчилсний	Овог нэр өөрчилсний	Эцэг тогтоосны	Гэрлэлт сэргээсний	Нас барсны
2019 оны 1-р улирал	394	64	25	3	15	5	-	90
2020 оны 1-р улирал	342	84	13	5	20	14		65
Өсөлт бууралт	-52	20	-12	2	5	9		-25

**2019 оны 1-р улиралд бүртгэгдсэн шилжилт хөдөлгөөний бүртгэлийг
2020 оны 1-р улиралд бүртгэгдсэнтэй харьцуулсан үзүүлэлт**

Он	Бусад аймаг хотоос шилжин ирсэн	Аймаг дотор шилжин ирсэн
2019 оны 1-р улирал	286	375
2020 оны 1-р улирал	357	824
Өсөлт бууралт	71	449

ГУРАВ. ҮНДЭСНИЙ ЭНГИЙН ГАДААД ПАСПОРТ ОЛГОЛТЫН ТАЛААР

2020 оны 1-р улиралд 242 иргэнд шинээр гадаад паспорт олгох хүслэтийн хүлээн авч, Монгол-Хятадын хил орчмын нутагт зорчих нэг удаагийн үнэмлэх 2, олон удаагийн үнэмлэх 28 тус тус олгож, нийт 272 иргэнийг гадаадад зорчих эрхийн бүртгэлд бүртгэсэн.

2019 оны 1-р улиралд гадаад паспорт, хил орчмын нэг болон олон удаагийн үнэмлэх олголтын байдлыг 2020 оны 1-р улирлын олголтын байдалтай харьцуулсан үзүүлэлт

Он	Гадаад паспорт шинээр	Хил зорчих олон удаагийн үнэмлэх	Хил зорчих нэг удаагийн үнэмлэх
2019 оны 1-р улирал	375	91	10
2020 оны 1-р улирал	242	28	2
Өсөлт бууралт	-133	-63	-8

ДӨРӨВ. ИРГЭНИЙ ҮНЭМЛЭХ ОЛГОЛТ, АРХИВЫН САНГИЙН ХӨДӨЛГӨӨНИЙ ТАЛААР

2020 оны 1-р улирлын байдлаар нийт 636 иргэний цахим үнэмлэх хүлээн авч иргэдийн гар дээр нийт 356 иргэний цахим үнэмлэх олгогдоод байна.

Онлайн бүртгэлийн санд гэрлэлтийн бүртгэлийн мэдээлэл ороогүй 8 иргэний ХААТР-15, нас баралтын бүртгэлийн мэдээлэл ороогүй 2 иргэний ХААТР-18 маягтыг тус тус нөхөн мэдээллийн санд тусгасан. Регистрийн дугаарыг он зөрүүлж олгосон 1 иргэний эмнэлгийн байгууллагын тодорхойлолт, холбогдох бичиг баримтыг үндэслэн ХААТР-25 маягт бичиж мэдээллийг засварлаж зөрчлийг арилгасан.

Архивийн сангаас 120 иргэний хувийн хэрэг татан авч шалгаснаас зөрчилтэй иргэний мэдээллийг цаг тухайд нь Иргэний бүртгэлийн газарт албан тоот хүргүүлж зөрчлийг арилган буцаан байрлуулсан байна..

ТАВ. АРХИВААС ЛАВЛАГАА ОЛГОЛТ

Иргэний улсын бүртгэлийн архивын сангийн баяжилтанд орсон ИУБ маягтын тоон мэдээллийг сар бүр тогтмол гарган иргэний баримтын төв архивт хүргүүлсэн.

Иргэн , албан байгууллага, хууль хяналтын байгууллагаас ирүүлсэн хүсэлтийн дагуу 555 лавлагаа гаргаснаас иргэнд 519, албан байгууллагад 36 тус тус олгосон байна.

ИУБ-11 342, ИУБ-12 5, ИУБ-13 20, ИУБ-14 14, ИУБ-15 84, ИУБ-16 13, ИУБ-18 65, ИУБ-22 784, ИУБ 31-444, ИУБ-21 356, нийт 2127 маягт архивт байрлуулж, архивийн баяжилтыг цаг тухайд нь бүрэн хийж ажилласан.

Иргэний улсын бүртгэлийн чиглэлээр давхардсан тоогоор 4000 иргэнд улсын бүртгэлийн үйлчилгээ үзүүлсэн байна.

3. ЭД ХӨРӨНГИЙН ЭРХИЙН УЛСЫН БҮРТГЭЛ

Нэг. Эд хөрөнгийн эрхийн улсын бүртгэлийн үйл ажиллагааны бодлого төлөвлөлтийн хүрээнд

2020 оны нэгдүгээр улиралд эд хөрөнгийн эрхийн бүртгэлийн үйл ажиллагаандаа Монгол улсын “Иргэний хууль”, “Улсын бүртгэлийн ерөнхий хууль”, “Эд хөрөнгийн эрхийн улсын бүртгэлийн тухай хууль”, “Монгол улсын иргэнд газар өмчлүүлэх тухай хууль” болон холбогдох бусад хууль, Улсын бүртгэлийн ерөнхий газраас гаргасан шинээр мөрдөгдөж байгаа дүрэм, журмыг мөрдлөг болгон газар, хэлтсийн даргаас өгсөн удирдамж чиглэлийн дагуу ажиллалаа.

Эд хөрөнгийн эрхийн улсын бүртгэлийн сарын мэдээг Улсын бүртгэлийн ерөнхий газрын Эд хөрөнгийн эрхийн бүртгэлийн газарт хуулийн хугацаанд хүргүүлэн газар, хэлтсийн дарга, холбогдох албан тушаалтнуудыг эд хөрөнгийн эрхийн бүртгэлийн холбогдох мэдээ, мэдээллээр хангаж ажилласан.

2020 оны 1 дүгээр сард аймгийн ГХБХБ-ын газрын удирдлага мэргэжилтэнүүдтэй шинээр мөрдөж буй хаягын тогтоолыг хэрхэн хэрэгжүүлэх, сумдын газрын даамлуудаас ирүүлж байгаа газар өмчлөх, эзэмших, ашиглах эрхийн нотлох баримтад анхаарах асуудлын талаар ойлголтын зөрүүг арилгаж уулзалт зохион байгуулсан.

2020 оны 1 дүгээр улирлын байдлаар Улсын бүртгэлийн Ерөнхий хуулийн 9.11-д заасан дундын мэдээллийн санд Эд хөрөнгийн эрхийн бүртгэлийн тухай хуулийн 28 дахь хэсэгт заасан нотлох баримтыг үндэслэн иргэн хуулийн этгээдийн газар эзэмшиж, ашиглах эрхийн нийт 819 хүсэлтийг баталгаажуулан дугаар олгож гэрчилгээ бичигдсэн 178 бүртгэлд хувийн хэрэг нээж архивт байршуулсан.

УБЕГ-ын Хяналтын улсын байцаагчийн 2020.02.17-ны өдрийн 25 тоот албан шаардлага, ЭХЭУБ-ын газрын 2020.02.28-ны өдрийн 7/1960 тоот чиглэлийн дагуу цахим мэдээллийн санд нэгж талбарын дугааргүй бүртгэгдсэн 114 бүртгэл, Эд хөрөнгийн төрөл, үйлчилгээний төрөл буруу сонгож бүртгэсэн 27 бүртгэлийг нягтлан шалгаж хяналтын улсын байцаагчийн 2020/001215, 2020/001214 тоот дүгнэлтүүд гаргуулан УБЕГ-ын ЭХЭУБ-ын газарт хүргүүлсэн.

2020 оны нэгдүгээр улирлын байдлаар 2000 гаруй иргэн, хуулийн этгээдэд эд хөрөнгө өмчлөх, эзэмших, ашиглах эрх түүнтэй холбоотой бусад эрхийн улсын бүртгэлийн үйлчилгээ үзүүлж, мэдээлэл зөвлөгөө өгч ажиллалаа.

Сумдын улсын бүртгэгч нараас анхны бүртгэлийн 46 мэдүүлэг хүлээн авч гэрчилгээг сумдын бүртгэгч нараар дамжуулан иргэдийн гарт хүргэсэн.

Хоёр. Эд хөрөнгө өмчлөх, эзэмших, ашиглах эрхийг бүртгэж баталгаажуулах

2020 оны 1 дүгээр улиралд иргэн, хуулийн этгээдээс үл хөдлөх хөрөнгөтэй холбоотой бүртгэлийн мэдүүлэг **680**, газар өмчлөх эрхтэй холбоотой бүртгэлийн мэдүүлэг **912** нийт **1592** мэдүүлэг хүлээн авч хянан, холбогдох хууль тогтоомжийн дагуу эд хөрөнгө өмчлөх, эзэмших, ашиглах эрхийн улсын бүртгэлийн үйлчилгээ үзүүлсэн байна. Эд хөрөнгийн эрхийн улсын бүртгэлийн үйл ажиллагааг хуульд

нийцүүлэн хөнгөн шуурхай явуулах эрх зүйн орчинг бүрдүүлэхэд шаардлагатай журам, заавар, зөвлөмж болон “Улсын бүртгэлийн ерөнхий хууль”, “Эд хөрөнгийн эрхийн улсын бүртгэлийн тухай хууль” болон эрхийн улсын Ерөнхий бүртгэгчийн тушаалаар батлагдсан дүрэм, журмыг мөрдөн ажиллаж байна.

Эд хөрөнгө өмчлөх эрхийн анхны бүртгэлд 255 иргэний өмчлөх эрхийг баталгаажуулсанаас:

Төрөөс үнэгүй хувьчилсан газар өмчлөх эрхийн бүртгэл 140, Газраас бусад үл хөдлөх эд хөрөнгийн эрхийн бүртгэл 97, шинээр баригдсан орон сууцны анхны бүртгэлд 18,

Гэрээ хэлцэл нийт 1226 бүртгээгдсэнээс: Худалдах, худалдан авах гэрээ 173, Бэлэглэх гэрээ 28, Арилжих гэрээ 1, Хамтран өмчлөгч өөрчлөгдөх 22, гэрээслэлээр болон өв залгамжлах эрхийн бүртгэл 15, Шүүхийн шийдвэрээр өмчлөгч өөрчлөгдөх бүртгэл 0, Барьцааны гэрээтэй холбоотой бүртгэл 987 тус тус бүртгэсэн.

Эрхийн улсын бүртгэлд өөрчлөлт залруулгаар 46 бүртгэл бүртгэсэнээс:

Эд хөрөнгийн хаяг өөрчлөх 16, эд хөрөнгийн үнэ, хэмжээ, гүйцэтгэл өөрчлөгдөх 19, Эд хөрөнгийн зориулалт өөрчлөгдөх 1, үрэгдүүлсэн болон гэмтээсэн гэрчилгээ дахин олгох бүртгэл 7, хувийн хэрэг хаах бүртгэл 3 тус тус бүртгэсэн байна.

Гурав. Эд хөрөнгийн эрхийн улсын бүртгэлийн талаарх мэдээллийн сан болон нотлох баримтаар хувийн хэрэг бүрдүүлж, иргэн, хуулийн этгээд болон хууль хяналтын байгууллагыг лавлагаа, мэдээллээр хангах

Шүүх, Цагдаа, Прокурор, Шүүхийн шийдвэр гүйцэтгэх алба болон бусад байгууллагад албан бичгээр эд хөрөнгө өмчлөх эрхтэй холбоотой 88 лавлагаа олгосон. Байгууллагыг төлөөлж эд хөрөнгийн маргаантай бүртгэлээр шүүх хуралд оролцоогүй. Эд хөрөнгийн эрхийн улсын бүртгэлийн талаар иргэн, хуулийн этгээдэд 53 лавлагаа олгосон.

Иргэн хуулийн этгээдээс хүлээн авсан эх нотлох баримтуудаар хувийн хэрэг үүсгэж газрын 14049 хувийн хэрэг, газраас бусад үл хөдлөх хөрөнгийн 7581 хувийн хэрэг, газар эзэмших эрхийн 793 худийн хэрэг, газар ашиглах эрхийн 26 хувийн хэрэг нийт **22449** хувийн хэрэг цаасан хэлбэрээр архивт хадгалдагдаж байна.

Эд хөрөнгийн эрхийн улсын бүртгэлийн үйлчилгээний хураамжаар нийт **20,342,384** төгрөгийг улсын төсөвт, тэмдэгтийн хураамжаар **706,697** төгрөг, үл хөдлөх хөрөнгө худалдан борлуулсаны орлого **47,948,080** төгрөгийг орон нутгийн төсөвт тус тус төвлөрүүлэн ажиллалаа.

4.ХУУЛИЙН ЭТГЭЭДИЙН БҮРТГЭЛ

Тайлангийн хугацаанд Хуулийн этгээдийн улсын бүртгэлийн ажил, үйлчилгээг Улсын бүртгэлийн ерөнхий хууль, Хуулийн этгээдийн улсын бүртгэлийн тухай хууль, Иргэний хууль, Компанийн тухай хууль болон холбогдох бусад хууль, дүрэм, журам, удирдлагаас өгсөн үүрэг даалгавар, чиглэлийг бүрэн хэрэгжүүлж, 2019 оны 11 сарын 25 ны өдрийн байдлаар нийт давхардсан тоогоор 3000 гаруйиргэн, хуулийн этгээдэд хуулийн этгээдийн улсын бүртгэлийн үйлчилгээг үзүүлсэн. Үүнд:

- ✓ Хуулийн этгээд нэрийн баталгаажуулалт - 323
- ✓ Шинээр үүсгэн байгуулсан хуулийн этгээд - 323
 - Хязгаарлагдмал хариуцлагатай компани –265
 - Төрийн бус байгууллага /НҮТББ, ГҮТББ/ – 37
 - Төрийн байгууллага – 1
 - Нөхөрлөл – 13
 - Хоршоо – 3
 - Үйлдвэрчний эвлэлийн байгууллага –4

Хуулийн этгээдийн мэдээлэлд оруулсан өөрчлөлт -306

Хуулийн этгээдийн салбарын бүртгэл – 24

- ✓ Хуулийн этгээдийн улсын бүртгэлийн гэрчилгээ дахин олгосон – 77
- ✓ Хуулийн этгээдийн бүртгэлийн лавлагаа олгосон -102
 - Цахим сүлжээнээс - 45
 - Архивын хуулбар – 19
 - Хууль хяналтын байгууллагад – 38
- ✓ Өөр хот аймагт шилжсэн хуулийн этгээд –12
- ✓ Татан буугдсан – 4
- ✓ Хуулийн этгээдийн хэлбэр өөрчилсөн – 12
- ✓ Хуулийн этгээдийн хориг тавьсан - 2 тус тус бүртгэсэн.

Хууль зүй, дотоод хэргийн сайдын 2018 оны а/216 тоот тушаалаар батлагдсан “Тамга, тэмдэг хийлгэх үйл ажиллагаанд хяналт тавих, лавлагаа олгох журам”-ын дагуу374хуулийн этгээдэд тамга, тэмдгийн хяналтын дугаар олгож, 53 хуулийн этгээдээс тамга, тэмдэгийг хураан авч хүчингүй болгосон.

Тайлангийн хугацаанд шинээр байгуулагдсан хуулийн этгээдийн,хуулийн этгээдийн мэдээлэлд оруулсанөөрчлөлтийн,лавлагааны эх нотлох баримт бичиг

хураан авсан тамга тэмдгийг тус тус дүрэм журмын дагуу архивт хүлээлгэн өгч, цаасан баримтыг цахим хэлбэрт шилжүүлэн ажиллаж байна.

2019 оны 11 сарын 25 ны өдрийн байдлаар хуулийн этгээдийн бүртгэлийн бүх төрлийн үйчилгээний хураамж **21091500** төгрөгийг орон нутгийн төсөвт төвлөрүүлсэн.

Хуулийн этгээдийн бүртгэлийн хөдөлгөөний тоон мэдээ, архивын мэдээ, үнэт цаасны мэдээ, үйлчилгээний орлогын мэдээг сар бүрийн 25 ны өдрөөр гаргаж УБЕГазрын хуулийн этгээдийн газар, архивын газар, хэлтсийн нягтлан бодогчид тус тус хүргүүлэн ажиллаж байна.

2019 онд Хуулийн этгээдийн улсын бүртгэлийн чиглэлээр 1 өргөдөл ирсэнийг хуулийн хугацаанд хариуг хүргүүлж ажилласан. Хуулийн этгээдийн улсын бүртгэлийн талаар гомдол Засгийн газрын 1111, Өмнөговь аймгийн олон нийтийн өргөдөл гомдол хүлээн авах 70530001 утасанд болон албан бичгээр ирээгүй байна. Төрийн болон хууль хяналтын байгууллагуудад шаардлагатай нийт 41 лавлагаа, мэдээлийг хуулийн хугацаанд 100 % хүргүүлж ажилласан. Мөн нийт 69 албан бичгийг боловсруулж төрийн болон бусад байгууллагад хүргүүлсэн.

Тайлангийн хугацаанд дараах ажил, үйлчилгээг гүйцэтгэсэн. Үүнд:

✓ Хуулийн этгээдийн LES програмд оноосон нэр, хаяг, хэлбэр буруу орсон “Шинэ ханбогд” НҮТББ,Ёл трейд ХХКомпани, Өмнөговь аймгийн Даланзадгад сумын дөрөвдүгээр сургууль ТБАГУТҮГ,Өмнөговь аймгийн газрын харилцаа барилга хот байгуулалтын газар ТБАГУТҮГ зэрэг 4 хуулийн этгээдийн зөрчил арилгуулах дүгнэлт мөн “Бүйлсэн говь” ХХК, “Ихэр баян говь” ХХК-н тамганы хяналтын дугаар хүчингүй болгох дүгнэлт үйлдүүлэхээр Хяналтын улсын байцаагчид хүлээлгэн өгч шийдвэрлүүлж, бүртгэлийн зөрчлийг арилгасан.

✓ 2019 оны 08 сард ERS шинэ програмд хуулийн этгээдийг бүртгэх тест хийж програмд тусгах санал хүсэлт, хуулийн этгээдийн LES програмаас ERS програмд хөрвөсөн 150 хуулийн этгээдийн мэдээлээлийг шалгаж зөрүүтэй мэдээлийг тухай бүрд нь хуулийн этгээдийн улсын бүртгэлийн газарт хүргүүлсэн.

✓ УБЕГазрын чиглэл, даалгаварыг тухай бүрд нь хэрэгжүүлж 2019 оны 06 сард Хуулийн этгээдийн хувийн хэрэг хөтлөх журамын төсөлд санал, 2019 оны 07 сард хуулийн этгээдийн мэдээ тайлангийн загварт өөрчилөлт оруулах санал, мөн техник, тоног төхөөрөмжийн судалгаа, шашны байгууллагын судалгаа,

шинэчилсэн бүртгэлд хамрагдаагүй хуулийн этгээдийн судалгаа зэргийг тус тус цаг хугацаанд нь гаргаж хүргүүлсэн.

✓ Тайлангийн хугацаанд Хэлтсийн даргын өгсөн үүрэг даалгаварын дагуу “Амьдрал цэцэглэсэн ногоон даланзадгад” болзолт уралдааны тайлан, Онцгой нөхцөл байдал үүссэн үед төрийн болон албаны нууцад хамаарах мэдээлэл задарч, үрэгдэхээс урьдчилан сэргийлэх төлөвлөгөө, “ЗАЛУУСЫН ХҮЧ ТӨСӨӨЛЛӨӨС ИЛҮҮ” сарын аяны хэрэгжүүлэх арга хэмжээний төлөвлөгөөний дагуу “Нэг байгууллага нэг сайн дурын ажил” -ын хүрээнд “Оюунлаг залуус Өмнийн говийн бахархал” гэсэн уриатай номын санг байгуулах ажлуудыг тус тус зохион байгуулж тайлан, мэдээг гаргаж холбогдох газруудад цаг тухайд нь хүргэж ажилласан.

✓ Аймаг орон нутгийн төрийн болон төрийн бус байгууллагаас зохион байгуулсан “Хатан заяа” арга хэмжээний хүрээнд хийгдсэн “Мөсний баяр”-т хэлтсийн бүсгүйчүүдийн хамт, “Эко-Өмнөговь” төслийн хүрээнд "Автомашинаас татгалзья- Ажилдаа дугуйгаар явья" аян, “Хайлсны баяр” нээлтийн арга хэмжээ, “Хүн амын бие бялдар, хөгжил чийрэгжилтийн түвшин тогтоох сорил”-ын сарын аяны арга хэмжээ, Халх голын ялалтын түүхт 80 жилийн ойн нэрэмжит “Тусгаар тогтнол, түүхэн уламжлал, хөгжил дэвшил” бүтээлч аяны удирдамжийн дагуу зохион байгуулагдсан сагсан бөмбөгийн тэмцээнд тус тус амжилттай оролцсон.

✓ 2019 оны 03 дугаар сарын 14 нд Даланзадгад сумын 8 багийн Засаг дарга болон нийгмийн ажилтнуудад Хуулийн этгээдийн улсын бүртгэлийн тухай шинэчилсэн хууль болон холбогдох журмын талаар мэдээлэл өгч, хэлэлцүүлэг зохион байгуулсан. Төрийн үйлчилгээний “Хөдөлгөөнт баг” -аар 15 сумын 59 багийн нийт 1500 гаруй иргэдэд хуулийн этгээдийн улсын бүртгэлийн талаарх гарын авлага, тараах материалыг тарааж ажилласан.

✓ Улсын бүртгэлийн ерөнхий газрын Тамгын газрын 2019 оны 03 дугаар сарын 13 ны 3/2022 тоот албан бичгийн хүрээнд 2019 оны 03 дугаар сарын 22 нд Өмнөговь аймгийн Цагдаагийн газраас “Авилга, албан тушаалын гэмт хэргээс урьдчилан сэргийлэх нь” сэдэвт сургалтанд, 2019 оны 04 дүгээр сарын 02 нд ХХҮГазар болон Улсын бүртгэлийн хэлтсийн алба хаагчдад Хувь хүний хөгжлийн институтаас зохион байгуулсан “Харилцаа ба хандлага” сэдэвт сургалтанд, 2019.11.21-22 ны өдрүүдэд

“Хяналт шинжилгээ, үнэлгээний нэгжийн ажилтыг чадавхжуулах” сургалтанд тус тус хамрагдсан.

✓ 2019 оны 04 дүгээр сарын 17,18 ны өдрүүдэд зохион байгуулагдсан УБЕГазар, Азийн хөгжлийн банкны хамтран хэрэгжүүлж буй “Нийгмийн үйлчилгээний хүртээмжийг сайжруулах зорилгоор бүртгэлийн системийг боловсронгуй болгох” төслийн ажлын хүрээнд улсын бүртгэгч нарт зориулсан сургалтанд, 2019 оны 10 дугаар сарын 05-06 ны өдрүүдэдХЭБГазраас зохион байгуулсан хуулийн этгээдийн улсын бүртгэгч нарын мэргэшүүлэх сургалтанд тус тус хамрагдсан.

✓ ХЭБГазраас 2019 оны 03 дугаар сарын 28, 2019 оны 05 дугаар сарын 29, 06 дугаар сарын 10 ны өдрүүдэд ХЭБГазраас зохион байгуулсанхууль тогтоомжийг таниулах, бүртгэлийн үйл ажиллагаанд гарч буй алдаа дутагдалыг багасгах, дүрэм журамыг нэг мөр ойлгох мэдээлэл өгөх онлайн сургалт, хуулийн этгээдийн ERS шинэ програмд бүртгэл хийхонлайн сургалтуудад хамрагдаж чиглэл, мэдээлэл авсан.

5. ПРОГРАМ ХАНГАМЖИЙН ТАЛААР

Өмнөговь аймаг дахь Улсын бүртгэлийн хэлтсийн мэдээллийн технологийн ажилтан нь “Байгууллагын хөдөлмөрийн дотоод журам”, монгол улсын засгийн газраас баталсан “Мэдээлэл, сүлжээний аюулгүй байдлыг хангах” журмыг удирдлага болгон дараах ажлуудыг хийж гүйцэтгэлээ.

Мэдээлэл технологийн чиглэлээр

Мэдээлэл технологийн чиглэлээр 2020 оны нэгдүгээр улиралд дараах ажлуудыг хийж гүйцэтгэлээ. Үүнд: Иргэдэд үйлчилгээ авахад шаардагдах бичиг баримтын жагсаалт болон шинэчлэгдсэн баримт бичгүүдийг цахимд ойлгогдохуйц байдлаар байршуулсан.

Цахим хуудаст байгууллагын үйл ажиллагааны талаар дэлгэрэнгүй мэдээллийг цаг тухай бүрт нь байршуулсан ба нэгдүгээр улирлын байдлаар цаг үе, үйл явдлын талаарх мэдээ 10, иргэд, аж ахуй нэгжүүдэд заавар зөвлөгөө өгсөн талаар бичлэг 12, иргэд аж ахуй нэгжүүдэд заавар зөвлөгөө өгсөн мэдээлэл 19-ийг байгууллагын албан ёсны цахим хуудас болох [facebook page-д](#) байршуулан ажиллаж байна.

Ажлын сул орон тооны зарыг цахим хуудсанд байршуулан зарын групп хуудсанд нийтлэн олон нийтэд нээлттэй зарлан ажилласан. Баяндалай, Цогт-Овоо, Ноён, Сэврэй, Ханхонгор, Гурвантэс болон Даланзадгад сумын бүртгэгч нарын албан хэрэгцээнд ашиглаж байгаа хэвлэгч (принтер)-ийг шинээр солин бусад шаардлагатай тоног төхөөрөмжүүдтэй холбож хэвийн ажиллагаанд оруулсан.

Байгууллагын ашиглах хугацаа дууссан эд хөрөнгө, компьютер болон бусад тоног төхөөрөмжүүдийг актлах санал гаргаж Улсын бүртгэлийн ерөнхий газарт хүргүүлсэн.

Техник, тоног төхөөрөмжийн ашиглалтын дэвтэр-ийн загварыг гарган Улсын бүртгэлийн хэлтсийн даргаар батлуулан, ашиглалтын дэвтрийг хөтлөх ажлыг эхлүүлээд байна.

Байгууллагын хөрөнгийн бүртгэлийг шинэчлэн, хэрэглэж байгаа хөрөнгө бүрт бүртгэлийн дугаарыг наан, давхцалгүйгээр шинээр бүртгэсэн.

Улсын бүртгэлийн ерөнхий газраас хүргүүлсэн зөвлөмжийн дагуу цахим хуудсын ажиллагааг тогтворжуулж цаг үе, үйл явдлын мэдээг тухай бүрт нь байршуулж иргэдэд мэдээ, мэдээллийг цаг алдалгүй хүргэх ажлыг хийж гүйцэтгэж байна.

Хэлтсийн албан хаагчдын компьютер, тоног төхөөрөмжүүдийг эвдрэл гэмтэл гарсан үед цаг алдалгүй тухай бүрт нь засварлаж хэвийн ажиллагаанд ажиллуулж байна.

Байгууллагын дотоод сүлжээний ажиллах хэвийн байдлыг бүрдүүлэн сүлжээнд алдаа гарах, тасрах гэх мэт техникийн саатлуудыг тухай бүрт нь холбогдох арга хэмжээг аван ажиллаж байна.

2020 оны нэгдүгээр улиралд Улсын бүртгэлийн ерөнхий газраас цахим видео хурал, болон сургалтууд 5 удаа хийгдэж цахим хурлыг тухай бүрт нь холбон техник төхөөрөмжийг хэвийн ажиллуулсан байна.

Байгууллагын сүлжээний аюулгүй байдал, гадны халдлага, мэдээлэл алдагдхаас сэргийлэн арга хэмжээ авч ажиллан Улсын бүртгэлийн ерөнхий газраас өгсөн заавар зөвлөмжийн дагуу сүлжээний хамгаалалтын сайжруулж тохиргоог хийн ажиллаж байна.

Ил тод байдлын чиглэлээр

Байгууллагын хийж гүйцэтгэсэн ажил, иргэдэд мэдээллэх шаардлагатай мэдээг цаг тухай бүрт нь байршуулсан ба 8 мэдээ мэдээллийг самбарт хэвлэн байршуулсан байна.

Байгууллагын хийж гүйцэтгэсэн ажил, иргэдэд мэдээллэх шаардлагатай мэдээг цаг тухай бүрт нь байршуулсан ба [facebook](#) хуудсанд 57 мэдээ тухай бүр тавигдсан байна.

Өргөдөл, гомдол хүлээн авах хариуцсан албан хаагчийн албан тушаал, овог нэр, харилцах утасны дугаар тодорхой бичиж цахимд байршуулсан.

Сул орон тооны зарыг нийтэд зарлах, цахим болон мэдээллийн самбарт иргэдэд харагдахуйц байршуулсан ба нийт 5 сул орон тооны зарыг байршуулан ажиллаж байна.

COVID-19 вирус дэлхий даяар тархсантай холбоотойгоор байгууллагын цахим хуудсаар мэдээ мэдээлэл 4, заавар зөвлөмж 17 (үүнээс бичлэгээр 8) дамжуулан иргэдэд хүргэсэн байна.

Бусад ажлын чиглэлээр

Байгууллагын эвдэрч засах шаардлагатай эд зүйлсийг тухай бүрт засаж янзалж хэвийн болгон янзалсан. Байгууллагын серверийн өрөөн доторх эд зүйлийг цэгцэлж хэрэггүй ашиглагдах боложгүй болсон эд зүйлсийг устгалд оруулсан.

Байгууллагаас зохион байгуулж байгаа хамт олны ажилд идэвх санаачлагатай оролцон ажиллаж байна.

Няравын ажил үүргийг давхар эрхэлж байгаа тул сар бүрийн үнэт цаасны мэдээг нэгтгэх, шаардлагатай үнэт цаасыг захиалах, бичиг хэргийн холбогдолтой зүйлсийг цуглуулах, зөв хувиарлах ажлуудыг хийж байна.

Мөн удирдлагаас өгсөн үүрэг даалгаварыг цаг тухай бүрт нь хийж гүйцэтгэж байна.

6. УЛСЫН БҮРТГЭЛИЙН ХЯНАЛТ ШАЛГАЛТ, ХУУЛЬ ТОГТООМЖИЙН ХЭРЭГЖИЛТ, СУРТАЛЧИЛГААНЫ ТАЛААР

Хяналтын улсын байцаагчаас Улсын бүртгэлийн ерөнхий хууль, Иргэний бүртгэлийн тухай хууль, Хуулийн этгээдийн улсын бүртгэлийн тухай хууль, Эд хөрөнгийн улсын бүртгэлийн тухай хууль, Улсын бүртгэлийн үйл ажиллагаанд хяналт, шалгалт хийх журам, Хяналтын дүрэм болон бусад холбогдох хууль тогтоомж, журмыг сурталчилан, хэрэгжилтэд хяналт тавин ажиллалаа. Мөн хийж хэрэгжүүлэх ажлын төлөвлөгөөг хагас, бүтэн жилээр гарган хэлтсийн даргаар баталгаажуулж хэрэгжилтийг ханган ажиллаж байна.

Байнгын хяналтыг иргэний улсын бүртгэл, хуулийн этгээдийн улсын бүртгэл, эд хөрөнгийн эрхийн улсын бүртгэл, архив, мэдээллийн технологийн аюулгүй байдлын чиглэлээр хийсэн.

ИУБүртгэл: Зөрчлийн тухай хуулийн 15.24.1, 15.24.2, 15.24.4, 15.23.1.1 дүгээр зүйлийн дагуу зөрчлийн хэрэг бүртгэлтийн ажиллагааг нийт 189 иргэн, хуулийн этгээдэд нийт 5 620 000 төгрөгийн торгуулийн арга хэмжээ авч орон нутгийн төсөвт төвлөрүүлсэн. Үүнээс:

- Иргэний үнэмлэх сунгалтын хугацаа хэтрүүлсэн 97 иргэнийг 1 940 000 төгрөгөөр,,
- Иргэний цахим үнэмлэх үрэгдүүлсэн 86 иргэнийг 2 580 000 төгрөг,
- Иргэний цахим үнэмлэх гэмтээсэн 4 иргэнийг 100 000 төгрөг
- Хуулийн этгээдийн мэдээлэлд орсон өөрчлөлтөө хуулийн хугацаанд бүртгүүлээгүй 2 компанийг 1 000 000 төгрөгөөр тус тус торгож, тухай бүрт нь аймгийн Хяналтын прокурор Д.Мөнхтуяад хянуулж холбогдох зөвлөгөө мэдээллийг авч, хамтран ажилласан. Мөн шийтгэлийн хуудасны зарцуулалтын тайланг сар бүр гаргаж ахлах нягтлан бодогчид хүлээлгэн өгсөн.

Иргэний баримт бичгийн зөрчлөө арилгуулах өргөдөл гаргасан 6 иргэний дүгнэлтийг Хяналт, шалгалтын газарт хүргүүлж, online програмд баталгаажиж бүрэн шийдвэрлэсэн. Хяналтын улсын байцаагчийн хяналт, шалгалтын төлөвлөгөөний дагуу хөдөөгийн 14 сумын 2019 онд бүртгэсэн иргэний гэр бүлийн байдлын 8 төрлийн бүртгэлийн нийт 4574 материалд хяналт, шалгалт хийхэд ноцтой зөрчил дутагдал илрээгүй бөгөөд иргэний цахим үнэмлэхний хүчинтэй хугацааг нягтлан шалгах, өргөдлийн огноо, толгойг зөв бичүүлж байх, хураан авч, хувийн хэргийн эх нотлох баримтанд хавсаргасан гэрчилгээг хүчингүй болгож байх тал дээр нийт бүртгэгч нарт 2020 оны 03 дугаар сарын 24-нд зөвлөмж хүргүүлсэн.

ХЭУБүртгэл: Хуулийн этгээдийн оноосон нэрийн бүртгэл, нэмэлт өөрчлөлтийн бүртгэлийн мэдээллийг Хуулийн этгээдийн улсын бүртгэлийн ERS програмд хандах эрхийн дагуу орж бүртгэлүүдийг өдөр тутам хянаж байна. Тайлангийн хугацаанд шинээр үүсгэн байгуулагдсан болон нэмэлт өөрчлөлт орсон нийт 92 бүртгэлийн бүрдүүлбэр материалын архивын хувийн хэрэг дэх эх нотлох баримтыг татан авч шалгахад зөрчил дутагдал илрээгүй, бүгд бүртгэлийн бүрдүүлбэр хангасан нотлох баримтууд байсан.

Хуулийн этгээдийн цахимжуулалтад бүртгэгдээгүй “Онилэцмэт”НҮТББ-н бүртгэлийг шалгахад Өвөрхайнгай аймаг нь 2018 онд хуулийн этгээдийн архивын нотлох баримтыг цахимжуулах явцдаа уг НҮТББ-ийн 8000018 регистрийн дугаараар “Энх итгэлийн гэгээ” гэсэн оноосон нэртэй НҮТББ-ийг андуурч буруу цахимжуулсан. Мөн “Онилэцмэт”НҮТББ нь 2009 онд байгуулагдсан Улаанбаатар хотын үйлдвэрчний эвлэлийн хороотой 8000018 регистрийн дугаар давхардсаныг “Онилэцмэт”НҮТББ-н үүсгэн байгуулагч, удирдах зөвлөлийн даргатай холбогдож Захиргааны ерөнхий хуулийн 27 дугаар зүйлд заасны дагуу сонсох ажиллагааг явуулж, УБЕГазрын Хяналт шалгалтын газарт тайлбарыг хүргүүлсэн

ЭХЭУБүртгэл: ЭХЭУБүртгэлийн ePRS програмд хандах эрхийн дагуу орж бүртгэлийн бүрдүүлбэр материалуудыг түүвэрчлэн шалгаж байна. Тайлангийн хугацаанд газар өмчлөх эрхийн бүртгэл, барьцаат зээлийн гэрээ, БЗГэрээ дуусгавар болгосон, газраас бусад үл хөдлөх эд хөрөнгийн анхны бүртгэлийн нийт 2420 бүртгэлийн бүрдүүлбэр материалыг шалгахад ямар нэгэн зөрчил дутагдал илрээгүй.

Эрхийн улсын бүртгэлийн Г-1105000298, Г-1103000001 дугаартай бүртгэлүүдэд буруу цахимжсан барьцаат зээлийн гэрээний зөрчлийг аригахаар хяналтын улсын байцаагчийн дүгнэлт үйлдэж Хяналт, шалгалтын газарт хүргүүлэн, зөрчлийг арилгасан.

Мөн Улсын бүртгэлийн ерөнхий газрын Хяналтын улсын байцаагчийн 2020 оны 02 дугаар сарын 17-ны өдрийн 25 тоот албан шаардлага, Эд хөрөнгийн эрхийн улсын бүртгэлийн газрын 2020 оны 02 дугаар сарын 28-ны өдрийн 7/1960 тоот чиглэл хүргүүлэх тухай албан бичгийн дагуу Өмнөговь аймагт бүртгэлтэй газраас бусад үл хөдлөх эд хөрөнгө өмчлөх эрхийг анх удаа бүртгэх төлөвтэй 7 бүртгэл, өмчлөгчийн хүсэлтээр болон гэрээ хэлцлээр бүртгэл салгаснаар шинэ бүртгэл үүсэх төлөвтэй 8 бүртгэл, төрөөс хувьчилсан орон сууц өмчлөх эрхийг анх удаа бүртгэх төлөвтэй 2 бүртгэл, шинээр баригдсан орон сууц өмчлөх эрхийг анх удаа бүртгэх төлөвтэй 97 нийт 114 бүртгэлийг бүртгэхдээ мэдээллийн санд газрын нэгж талбарын дугаар тусгаагүй бүртгэсэн, Эд хөрөнгийн эрхийн улсын бүртгэлийн газрын 2019 оны 12 дугаар сарын 04-ний өдрийн 7/9562 тоот чиглэл хүргүүлэх тухай албан бичгийн дагуу бүртгэлийн төрлийг буруу сонгосны улмаас Төрөөс хувьчилсан газрын өмчлөх эрхийг төрөөс хувьчилсан орон сууцны өмчлөх эрхийг анх удаа бүртгэх төлөвтэй 19 бүртгэл, газраас бусад үл хөдлөх эд хөрөнгийн өмчлөх эрхийг төрөөс хувьчилсан газрын өмчлөх эрхийг бүртгэх төлөвтэй 3 бүртгэл, төрөөс хувьчилсан орон сууцны өмчлөх эрхийг төрөөс хувьчилсан газрын өмчлөх эрхийг анх удаа бүртгэх төлөвтэй 4 бүртгэл нийт 26 бүртгэлийн төрлийг буруу сонгосон зөрчилтэй бүртгэлүүдэд хяналтын улсын байцаагчийн дүгнэлт үйлдэж Хяналт, шалгалтын газарт хүргүүлэн, зөрчлийг арилгаж бүрэн шийдвэрлэсэн.

Бусад:

- 2020 оны 01 дүгээр сарын 08-нд эд хөрөнгийн эрхнийн улсын бүртгэлийг чиглэлээр аймгийн ГХБХБГазар, Улсын бүртгэлийн хэлтсийн хамтарсан уулзалтад оролцсон.
- 2020 оны 03 дугаар сарын 06-нд УБЕГазрын Иргэний бүртгэлийн газраас зохион байгуулсан "Монгол улсын сонгуулийн хууль"-ийн талаарх online сургалтанд хамрагдсан.
- 2020 оны 03 дугаар сарын 16-нд Олон улсын хэрэглэгчийн өдрийг тохиолдуулан "Зөрчлийн хууль"-ийн талаар олон нийтийн цахим сүлжээгээр иргэдэд мэдээлэл хүргэсэн.
- 2020 оны 03 дугаар сарын 23-нд УБЕГазрын ЭХЭУБүртгэлийн газраас зохион байгуулсан online сургалтанд хамрагдсан.

2021 ОНЫ ЗОРИЛТ

✓ 2020 оны УИХ, орон нутгийн ИТХурлын шат шатны сонгуулийг хариуцлагатай зохион байгуулж 2021 оны Ерөнхийлөгчийн сонгуулийн бэлтгэл ажлыг бүрэн хангана.

✓ Улсын бүртгэлийн хэлтсийн барилгын дээврийн засварын ажлын төсвийг орон нутгийн удирдлагад танилцуулж шийдвэрлүүлж ажиллана.

✓ Сүлжээ компаний шилэн кабел татаагүй байгаа Ханхонгор, Цогтцэций, Гурвантэс, Цогт-Овоо, Ноён, Сэврэй сумдын шилэн кабелийн асуудлыг УБЕГазар, орон нутгийн удирлагад танилцуулж шийдвэрлүүлэх

✓ “Бүртгэлийн байгууллага үүсч хөгжсөний түүхт 80 жил”-н ойн хүрээнд Улсын бүртгэлийн бүх төрлийн үйлчилгээний хүртээмжийг нэмэгдүүлж, үнэн зөв, ил тод, шуурхай хариуцлагатай хүргэж үйлчлэх.

✓ Сумдын улсын бүртгэгч нарын ажил, үйлчилгээнд хяналт, шалгалтыг хуваарийн дагуу хийж гүйцэтгэх

✓ Архивын эх нотлох баримтын бүрэн бүтэн байдал, аюулгүй хэвийн ажиллагааг тогтмол хангах

✓ Байгууллагын болон Улсын бүртгэлийн архивын, Мэдээллийн технологийн аюулгүй байдлыг бүрэн хангаж ажиллах

✓ Төрийн болон албаны нууцын тухай хуулийн хэрэгжилтийг сайжруулах

✓ Албан хаагчдын сахилга хариуцлагыг нэмэгдүүлж, шаардлагатай арга хэмжээг авч ажиллах

**Өмнөговь аймгийн Улсын бүртгэлийн хэлтсийн
2020 оны эхний хагас жилийн тайлан гаргасан**

1. Ч.Энхмөнх - Улсын бүртгэлийн хэлтсийн дарга
2. Д.Наранбилэг - Хяналтын улсын байцаагч
3. Д.Насантуяа - ИУБТасгийн дарга бөгөөд улсын ахлах бүртгэгч
4. Б.Азжаргал - ЭХЭБТасгийн дарга бөгөөд улсын ахлах бүртгэгч
5. З.Хасар - Иргэний бүртгэлийн тасгийн улсын бүртгэгч
6. Б.Баясгалан - Иргэний бүртгэлийн тасгийн улсын бүртгэгч
7. Т.Нямсамбуу - ЭХЭБТасгийн улсын бүртгэгч
8. М.Оюун-Эрдэнэ - ЭХЭБТасгийн улсын бүртгэгч.
9. Б.Должинсүрэн - Хуулийн этгээдийн улсын бүртгэгчийн албан үүргийг түр орлон гүйцэтгэгч
10. С.Батхүү - Ахлах нягтлан бодогч
11. А.Цэцэгдэлгэр - ИБТасгийн архивчийн албан үүргийг түр орлон гүйцэтгэгч
12. А.Цэцэгжаргал - ЭХЭБТасгийн архивч
13. С.Ариунсайхан - Даланзадгад сумын улсын бүртгэгч
14. М.Түвшинжаргал - Даланзадгад сумын улсын бүртгэгч
15. О.Эрдэнэбат - Мэдээллийн технологийн ажилтан, нярав
16. Ч.Пүрэвдавга - Архив, Бичиг хэргийн ажилтан
17. Сумын 12 улсын бүртгэгч

ТАЙЛАНГ НЭГТГЭЖ ХЯНАСАН:

ӨМНӨГОВЬ АЙМАГ ДАХЬ УЛСЫН БҮРТГЭЛИЙН
ХЭЛТСИЙН ДАРГА Ч.ЭНХМӨНХ